



74
6272
2



6272  
2

欽定禮部則例卷五

儀制清吏司

皇太后宮三大節朝賀

一每歲元旦令節。

皇帝率王公百官。

皇后率

皇貴妃

貴妃

妃

欽定禮部則例

卷五

儀制清吏司

去五味均平藏



嬪及命婦等詣

皇太后宮行禮。次日

慈寧宮設筵宴。冬至令節次日行朝賀禮。不設筵宴。俱

於前一月恭進

皇帝禮儀本內一併題明。

一

皇太后萬壽聖節。

皇帝率王公百官進表慶賀

皇后率

皇貴妃

貴妃

妃

嬪及命婦等慶賀行禮。

慈寧宮設筵宴。前後三日不理刑名。王公百官咸衣蟒

袍。前一月將各禮儀具題。

旨下行文各該衙門遵辦。謹按乾隆十五年十一月二十四日冬至例於二十

五日行朝賀禮。是日皇太后萬壽聖節

奏請恭擬兩次日行禮。合為一次奉旨於

二十五日行慶賀處。此次著停止。是年慶賀冬至表文題准仍照

例送閣。十八年十一月二十七日冬至

皇太后萬壽聖節。正值齋戒之期。奏請或於

二十二日。初衣蟒袍之日。豫行慶賀。或於二十

八日。一併行禮。奉旨著於二十三日行

禮。○二十六年十一月二十六日冬至

皇太后七旬萬壽聖節。尚在齋戒期內。奏請於

二十二日前。欽選一日行慶賀禮。奉

旨著於二十三日行禮。○三十七年十一

月二十五日。皇太后萬壽聖節。適當長

至。郊天齋戒之期。禮部奏請於二十二

日行慶賀禮。先期二日。高宗純皇帝詣

壽康宮侍膳慶祝。於二十日穿蟒袍至

二十

八日。

一表文  
皇帝慶賀表由內閣承辦恭進。王公百官及直省將

軍提鎮等賀表。豫行送部。屆期恭進樂部備樂

鑾儀衛派校尉送

午門外陳設俟

聖駕詣

皇太后宮行禮後。送交內閣

一行工部備黃案一并桌套於前一日送至

慈寧門外。行鴻臚寺派員陳設。

一行

景運門護軍統領。至日五鼓開

東長安門。

天安門

端門各中門。

午門東旁門。

熙和門中門。行內務府轉傳內監開

永康左門以備恭進表文。

一行欽天監恭擇朝賀請

駕吉時。并派候時官員。先令赴部識認屆期至

慈寧門

乾清門伺候

一

聖駕行禮時豫行武備院於

慈寧宮門外。鋪設拜褥。工部備櫻毯內務府官鋪設。

皇后

皇貴妃

貴妃

妃

嬪行禮時。由侍衛妻鋪設拜褥。付精膳司轉傳。

一行八旗滿洲蒙古漢軍各都統將公主郡主  
縣主郡君縣君王福晉輔國將軍以上夫人八  
旗二品以上大臣命婦查明有無事故造具印  
冊送部。行理藩院查明下嫁蒙古之公主郡主  
等及蒙古王福晉貝勒貝子夫人有在京應行  
禮者。開列送部。酌定東西班次。並派命婦引禮  
一併繕寫名籤。開具清單。於奏進儀注時。會掌  
儀司交敬事房內監查照

一凡遇朝賀民公侯伯子男等及八旗一二品

大臣之命婦。實有事故不能咸集行禮者。由該  
佐領具報該旗聲明緣由。報部查覈。每三次後  
彙開清單具題。如有三次託故不到者。將本夫  
交部議處。

一行理藩院查明外藩王公台吉。付主客司查  
明外國陪臣有在京恭與朝賀者。應一體排班  
行禮。

一派滿洲司官二員於

長信門外滿洲司官二員漢司官二員於

午門外監禮又滿洲司官二員筆帖式二員於  
永康右門監收福晉命婦職名

一行禮前三日會樂部恭繕

皇太后受賀儀注

注

皇太后萬壽聖節用進表儀  
萬壽大慶之年用宣表儀

注

皇帝行禮儀注

皇后率

皇貴妃

貴妃

妃

嬪行禮儀注并繕綠頭牌奏

呈

御覽畢仍祇俟恭請

皇太后儀注於

慈寧宮右門交內監恭進得

懿旨仍具綠頭牌奏

聞

一奏儀注後鈔錄原奏知會在京各該衙門一

體遵照。如奉 懿旨停止福晉命婦等行禮仍知會宗人府理藩院並八旗等處  
一恭遇

皇太后萬壽大慶。王以下入八分公以上進金銀珠寶器皿蟒緞疋鞍轡等項未入八分公以下鎮國將軍民公侯伯都統子內大臣滿洲大學士漢大學士尚書左都御史外省將軍總督提督等各進緞八疋輔國將軍護軍統領前鋒統領副都統滿洲侍郎漢侍郎巡撫總兵等各進緞六疋屆日於

午門外進獻。由部於前一年具題

皇帝恭奉

皇太后懿旨下。行文在京各該衙門及各直省遵行。按

乾隆三十五年奏次年 皇太后入旬萬壽王公等應進禮物奉 旨奉

太后懿旨停止進獻禮物

一行太常寺移取宣表官職名前期繕錄頭牌

開列奏

派

旨下仍行知太常寺



一恭遇

皇太后大慶聖節自初一日起至三十日不理刑名此

一月內王公百官咸衣蟒袍均於前期具奏得

旨通行在京各該衙門及各直省謹按乾隆十六年恭遇皇太

后六旬萬壽奉旨應穿蟒袍日期自十

四日至二十八日○二十六年皇太后

七旬萬壽奉旨自初八日至二十八日

○三十六年皇太后八旬萬壽奉

旨自初八

日至三十日

一恭遇

皇太后萬壽大慶各省來京慶祝及

賞給職銜官員與進士舉貢生監耆老等應一體於

午門及

天安門外行禮得

旨劄行鴻臚寺派員引禮並知會吏兵二部

儀注

皇太后宮三大節朝賀是日早變儀衛設

皇太后儀駕於

慈寧門外至

長信門外掌儀司內監設中和韶樂於

慈寧宮檐下設丹陛大樂於

長慶門內俱北向王以下各官俱朝服鴻臚寺官引和碩親王以下入八分公以上於

隆宗門外按翼咸集其未入八分宗室公鎮國將軍內大臣侍衛公侯伯大學士尙書都統子侍郎副都統內閣學士男以上於

長信門外按翼咸集三品以下文武各官並外國陪臣在

午門外按翼咸集禮部鴻臚寺官豫設進表黃案

一於

慈寧門東門檻外南向內閣學士恭奉

皇帝慶賀

皇太后表文安於表匣內自內閣捧出內閣官前導大

學士隨行由

熙和門中門出至

永康左門外大學士接捧表匣禮部堂官二員前

引進至

慈寧門升東階恭捧表匣安於黃案上退禮部堂官

轉傳內監舉表案宮殿監侍二員前引由東門入升東階進

慈寧宮東榻扇安表案於

慈寧宮寶座東旁西向。其王公百官慶賀表文陳設午門前兩旁詳見前卷。執

事官豫設

皇帝拜褥於

慈寧門檻外正中禮部堂官奏請

皇帝詣

皇太后宮行禮。

皇帝具禮服乘輿出宮。

導從如常儀。

禮部堂官前引由

隆宗門出至

永康左門降輿王以下入入分公以上俱隨後行

至

慈寧門禮部堂官引

皇帝由東階陞至門左西向立。

起居注官四員在

慈寧門外西階下立東面王以下公以上在階下兩

旁立前引十大臣及侍衛等在儀駕末兩旁立

禮部堂官轉傳內監奏請

皇太后陞慈寧宮寶座

皇太后具禮服出內宮中和韶樂作奏豫平之章

皇太后陞座樂止禮部堂官引

皇帝至拜褥上立丹陛大樂作奏益平之章王以下

公以上於

慈寧門階下大臣侍衛在儀駕末俱向上立鳴贊官

奏跪

皇帝跪王以下衆官皆跪鳴贊官奏拜興

皇帝率王公羣臣行三跪九拜禮行禮時設御史二

員鳴贊官二員於

慈寧門檐下此鳴贊二員引進王公御史禮部官鳴贊官各二

員於

長信門外此鳴贊二員引御史禮部官鳴贊官各

二員於

午門外此鳴贊二員引三處侍儀又設鳴贊官於

永康左門

右翼門

熙和門。

午門內外各等處。一員立 永康左門。一員立 熙和門。二員

立 午門內。二員立 午門外。其

午門外咸集各官並外國陪臣。鳴贊官由內接傳

亦隨班行禮。鳴贊官奏禮成。禮部堂官引

皇帝仍至原位立。樂止。禮部堂官轉傳內監奏請

皇太后還宮。中和韶樂作。奏履平之章。

皇太后還內宮。樂止。禮部堂官奏禮成。引

皇帝出

永康左門。乘輿還宮。王等俱出。皇帝萬壽聖節。率王公百官行

禮儀 禮部官捧

午門前兩旁陳設之王公百官慶賀

皇太后表。文恭送內閣。謹按乾隆三十七年奉 皇太后懿旨。向來

每遇慶典令節。皇帝詣慈寧宮朝賀。至永康左門外。即降輿步入。今皇帝春秋已逾六旬。雖體氣強健。精力如常。而禮數過勞之處。亦宜隨事撙節。嗣後遇元旦。行禮在慈寧門東階。下降輿。萬壽行禮。在慈寧門西階。下降輿。並就門旁著內監設便座。以資小憩。以示憐憫愛護之意。欽此。朕欽承 慈命。敢不祇遵。著是時傳諭各該衙門。載入儀注。敬謹遵照。

皇太后儀駕。中和樂懸。仍陳設丹陛大樂。移設於

慈寧門內檐下俱北向禮部堂官令內監引公主。福  
 晉以下縣君輔國將軍夫人以上內大臣公侯  
 伯滿洲大學士尚書都統子命婦並二品大臣  
 男爵命婦俱朝服自  
 永康右門入進  
 慈寧門序立於東西丹墀內侍衛命婦豫設  
 皇后拜褥於

慈寧宮檐前正中

皇貴妃

貴妃  
 妃  
 嬪於左右少後均北向禮部堂官轉傳內監奏請

皇后

皇貴妃

貴妃

妃

嬪

皇太后宮行禮。

皇后率

皇貴妃

貴妃

妃

嬪具禮服乘輿依次出

啟祥門前引命婦恭導至

徽音左門外降輿入

皇后陞丹陛至檐前東向立

皇貴妃

貴妃

妃

嬪於

皇后後分班東西向立。公主福晉以下。大臣命婦等

按翼於丹陛上東西向立。引禮大臣命婦轉傳

內監奏請

皇太后陞慈寧宮寶座。

皇太后具禮服出內宮。中和韶樂作。奏豫平之章。

皇太后陞座樂止。引禮命婦引

皇后於拜褥上立丹陛大樂作奏益平之章。

皇貴妃

貴妃

妃

嬪俱就拜位向上立。公主福晉以下大臣命婦依

次向上排立。引禮命婦奏請行禮。

皇后率

皇貴妃

貴妃

妃

嬪行六肅三跪三拜禮。公主福晉以下大臣命婦

俱隨行禮。禮成。引禮命婦奏請退班。引

皇后

皇貴妃

貴妃

妃

嬪仍復原位立。樂止。引禮命婦轉傳內監奏請

皇太后還宮。中和韶樂作。奏履平之章。



皇太后還內宮樂止。引禮命婦奏禮成。引

皇后

皇貴妃

貴妃

妃

嬪至

徽音左門外乘輿還宮。公主福晉以下大臣命婦

出。皇后千秋節率嬪等行禮儀同。

皇子

皇孫等詣

皇太后宮於

皇太后前行三跪九叩禮。○茶遇

萬壽大慶之年。是日早

皇太后儀駕樂懸全設。王以下各官俱朝服。禮部鴻臚

寺官豫設進表黃案一於

慈寧門東門檻外南向。內閣學士奉

皇帝慶賀

皇太后表文。表文例由內閣撰擬。謹按乾隆二十六年御製恭

進安於匣內。自內閣捧出。內閣官前導。大學士  
隨行由

熙和門中門出至

永康左門外。大學士接捧表匣。禮部堂官二員前  
引進至

慈寧門升東階。恭捧表匣安於黃案上。退禮部堂官  
轉傳內監舉表案。官殿監侍二員前引。由東門  
入升東階。進

慈寧宮東榻扇。安表案於

慈寧宮寶座東旁西向執事官豫設

皇帝拜褥於

慈寧門檻外正中禮部堂官奏請

皇帝詣

皇太后宮行禮

皇帝具禮服乘輿出宮。禮部堂官前引出

隆宗門至

永康左門

皇帝降輿。禮部堂官引

次

禮部

儀制清吏司

七

皇帝由東階升。至門左西向立。大學士一人從升。立於東檐西面。又大學士一人升西階。立於西檐東面。宣表官從升東階。立於東檐。大學士之後。西面。禮部堂官轉傳內監奏請。

皇太后陞慈寧宮寶座

皇太后具禮服出內宮。中和韶樂作。奏豫平之章。

皇太后陞座。樂止。禮部堂官引

皇帝至拜褥上立。丹陛大樂作。奏益平之章。鳴贊官奏跪。

皇帝跪。王以下衆官皆跪。鳴贊官贊宣表。宣表官從

黃案前捧表至

慈寧門檻外正中跪。大學士二人左右跪。展表。樂止

宣表官宣表訖。捧表興。樂作。仍置黃案上。退。鳴

贊官奏拜興

皇帝率王公羣臣行三跪九叩禮。禮成。禮部堂官引

皇帝仍至原位立。樂止。禮部堂官轉傳內監奏請

皇太后還宮。中和韶樂作。奏履平之章

皇太后還內宮。樂止。禮部堂官奏禮成。引

欽定禮部則例卷六  
皇帝出

永康左門乘輿還宮禮部堂官以表交內監恭捧  
入宮

欽定禮部則例卷六

儀制清吏司

皇后宮三大節朝賀

一每歲元旦暨冬至次日

皇后詣

皇帝前行禮後

皇貴妃以下八旗二品命婦以上詣

皇后宮行慶賀禮俱於前一月恭進

皇帝禮儀本內一併題明

謹按嘉慶十年奉  
諭慶賀元旦令節典禮依  
上

關王公百官等在朕前行禮。公主福晉命婦等在皇后前行禮之處。該部自應分晰題奏。嗣後著將元旦令節。公主福晉命婦等。應否進內行禮。另摺請旨。

一

皇后千秋節。皇后千秋暨元旦冬至。王公百官進箋慶賀。謹按乾隆六十年奉

諭。停止。

皇貴妃

貴妃

妃

嬪率命婦等慶賀行禮

皇后宮設筵宴。王公百官咸衣蟒袍一日。前一月將

禮儀具題

旨下。行文各衙門遵照辦理。謹按乾隆十六年。高宗純皇帝茶奉

泰陵。應行典禮。奏准停止。嘉慶二十年奉。上諭。本年十月。皇后四十壽辰。一應禮

儀。俱照常年舊例。王公大臣官員。仍穿蟒袍一日。不准呈遞如意貢品。其內務府大臣官員。著於初九初十十一。穿蟒袍三日。內務府大臣。准其呈遞如意食品。至例應行禮之福晉格格命婦等。屆期由內務府大臣開單具奏。經朕圈出者。准其進內行禮。其出聘外藩之格格等。俱不准。願請來京行禮。亦不准呈進貢品。二十四年奉。上諭。禮部每年具題。皇后千秋。應行禮儀一本。均夾單聲明在外之公主福晉命

婦等。是否進內行禮請旨。內閣票擬照例行禮筵宴。及照例行禮停止筵宴。雙簽歷屆均係停止筵宴。嗣後著禮部毋庸每年夾單聲請。內閣祇擬照例行禮停止筵宴單簽進呈。惟遇皇后正壽之年。禮部照嘉慶二十年之例。仍將公主福晉命婦等。是否進內行禮之處。夾單聲請候旨遵行。

一行入旗理藩院。取行禮命婦名冊。付精膳司

轉傳侍衛命婦鋪設

皇后宮內拜褥。豫備行禮。如奉旨命婦停止進內行禮。毋庸傳取。

一行禮前三日。恭繕

皇后行禮受賀儀注。並繕摺恭

呈

御覽後。交內務府轉交內監恭進。舊例。皇后于秋均進。妃嬪

行禮儀注。謹按嘉慶七年奉旨。嗣後妃嬪行禮儀注。毋庸呈進。

一奏儀注後。鈔錄原奏。行知內務府內鑾儀衛

領侍衛內大臣。內閣典籍廳。並宗人府理藩院

八旗等處。一體遵照。如奉旨免。咸集仍行知會

儀注

皇后宮三大節朝賀。是日早。內監陳

皇后儀駕於

宮檐下。及

宮門外。設中和韶樂於

宮檐前。設丹陛大樂於

宮門內。候

皇后詣

皇帝前行禮訖。引禮命婦二人。引

皇貴妃

貴妃

妃

嬪於

皇后宮門內月臺上兩旁立。內監引公主福晉以下

八旗二品命婦以上。

謹按嘉慶十年奉旨  
本年係皇后三旬壽節

公主福晉著進內行禮其命婦行禮之處著停  
止。又禮部尚書候恭阿拉面奉諭旨命婦

引禮亦由  
停止

隆宗門

內右門入。至

皇后宮門內。於丹陛上按翼排立。引禮命婦轉傳內

監奏請

皇后御內殿

皇后具禮服出宮

如恭造 圓明園行禮。皇后御龍袍補服。中和韶樂

作。奏淑平之章

陞座樂止。引禮命婦引

皇貴妃

貴妃

妃

嬪公主福晉命婦。行六肅三跪三拜禮。丹陛大樂

作。奏正平之章。禮成。復原位立。樂止。引禮命婦

轉傳內監奏請

皇后還宮。中和韶樂作。奏順平之章。

皇后還宮。樂止。

皇貴妃

貴妃

妃

嬪退。公主以下皆出

皇子

皇孫詣



皇后宮行三跪九叩禮各退。謹按乾隆三十年以前

三大節。皇后先

皇太后宮行禮。嘉慶元年二年

太后皇帝前行禮

皇后先詣

欽定禮部則例卷七

儀制清吏司

常朝

一凡月之初五日十五日二十五日為常朝之

期鴻臚寺於四季疏請

御太和殿得

旨官員新除授者具銜名由鴻臚寺列疏交送內閣

屆日兼管鴻臚寺事禮部尚書及鴻臚寺卿各

一員請

駕導引各官朝服謝

恩行禮。謝 恩官員職名。鴻臚寺派員查收稽察。其餘王公百官均於

鹵簿後侍班

皇帝不御殿王公百官朝服坐班如儀

一茶遇

皇帝御殿行工部備黃案於前一日送至

太和殿鴻臚寺官陳設於東邊居中行內務府設

桌套並轉行敬事房設文房四寶部派司員監

禮及收職名均詳朝賀通例

一外藩使臣來京茶遇

皇帝陞殿丹墀內侍班之王大臣官員與謝

恩官員一體行禮禮畢引令使臣行禮先期請

旨遵行。謹按乾隆二十三年右部哈薩克來京茶遇 恩官員

應行禮外其丹墀內侍班之王大臣官員俱一

體行禮禮畢引令哈薩克暨回部人等來京行禮之

十七年右部哈薩克暨回部人等來京行禮之

處與二十三年同。三十五年。猛拱頭日興堂

扎來京禮部奏請文武大臣官員俱一體行禮

畢次引興堂扎行禮。奉 旨興堂扎著隨

五品班之末行禮。四十年閏十月十一日爾扈特

郡王策楞德勒克來京茶遇 陞殿禮部

奏准。八於蒙古 王公之次行禮

一遇朝期

皇帝不御殿羣臣咸朝服於

午門外坐班

班次詳朝賀通例

先期八旗各部院衙門具

朝官名冊送吏部禮部都察院吏部禮部各派

滿洲司官漢司官各二員都察院派滿洲御史

漢御史各二員查班並派員於

午門外查收職名

一朝班各官有言語喧嘩附耳交談或背面坐立及無故踰越

御道者糾儀及引禮官指名題參

一每月初一初十二十日王公以下八旗武職

官補服咸集坐班令八旗按朝期各派世襲三

品以上大臣二員照常朝例分翼率領禮部兵

部各派滿洲司官漢司官各一員查班

一每月左翼逢單日右翼逢雙日王公等照常

朝例坐班

皇帝在宮在

太和門咸集府屬官稽察恭遇

行幸駐蹕於

午門咸集

一坐班春冬以辰正夏秋以卯正至時各官依次就班列坐後時至者糾儀官指名劾叅

一遇朝期各衙門堂官除有事故不能與朝者許於冊內聲明其餘卽本署奏事仍留一員率屬坐班違者叅奏

一

內廷行走軍機處行走及內閣大學士學士官員

等每晨進

內辦事遇常朝日毋庸坐班再上元端陽中秋等

日恭遇

皇帝在圓明園各部院堂官俱宜赴賀或遇朝期該

堂官適有帶領引

見之事均免坐班

一偶遇雨雪各官例免坐班再每年七月初十日十二月二十五日俱係素服之期照雨雪免坐班之例毋庸坐班

儀注

是日早，鑾儀衛陳

法駕鹵簿樂部陳中和韶樂，丹陛大樂均如儀。鴻臚寺官於

太和殿內設筆硯案。王公百官咸朝服。外國陪臣以時至者咸集。

午門外侍班執事官入就位。鴻臚寺官按翼序定

王公百官及外國陪臣班次。

王公由午門左

右門引入文武各官由午門左右掖門。昭德門。貞度門引入。外國陪臣隨西班百官後

入咸就位。鴻臚寺卿奏請

皇帝陞殿。

午門鳴鐘鼓。

皇帝具禮服乘輿出宮。鴻臚寺卿恭導。

導從如至

太和殿北階降輿入。

御太和殿。

若遇

覃恩大典百官皆謝

恩

皇帝乘輿出宮至保和殿後降輿

御中和殿陞座執事官行中和韶樂作奏隆

禮如儀畢

御太和殿

皇帝陞座樂止。

恭導之鴻臚寺卿出立丹陛贊鳴鞭

欽定禮部則例

卷七

儀制清吏司

五

丹墀內三鳴鞭丹陛大樂作奏慶平之章鴻臚寺官引謝

恩官及外國陪臣出班其餘百官仍按本位立序立贊進皆進

贊跪皆跪贊叩興行三跪九叩禮興贊退各復

原位立樂止丹墀內三鳴鞭中和韶樂作奏顯

平之章

皇帝還宮樂止鴻臚寺官分引王公百官依次出退若

皇帝不御殿羣臣坐班是日早王公百官咸朝服鴻

臚寺官東西各二員按翼序定王公班位於

太和門外東西各二班序定百官班位於

午門外朝房前東西各分九班詳載朝賀通例各依序為

位皆東西面坐重行北上糾儀御史二員吏部

禮部司官各二員分位東西班首御史二員吏

部禮部司官各二員分位東西班末均東西面

北上屆時門校禁斷行人糾儀官就位王公百

官各依次就位坐吏部禮部派官收職名糾儀

官起繞班行上下一匝還復位坐少頃王公出

百官皆退

欽定禮部則例卷八

儀制清吏司

登極朝賀

凡恭遇

皇帝登極總理王大臣具奏得

旨知會到部先期議定行禮儀注具奏行欽天監擇

吉禮部奏

聞得

旨行知各衙門敬謹辦理

一奏儀注時將王大臣入

殿時應否

賜茶一併請

旨得

旨知會內茶房光祿寺

一祭告行太常寺奏請

派員祭告祝文行翰林院撰擬

一表文內閣撰寫表成知會禮部恭進導引不

用樂

一恭捧

詔書移會內閣取大學士名單開列奏請

欽派

一

陛殿頒詔吉期官員等於是日早穿朝服兵民人等

穿常服帽綴纓緯俟朝賀畢

頒詔後仍易服先期行文

景運門護軍統領步軍統領曉諭護軍兵丁等并

咨兵部傳知八旗劄順天府曉諭耆老人等一



體咸集。

一

陞殿日樂部備樂設而不作表文陳於

太和殿內東旁不宜其餘應辦事宜與三大節朝

賀同。

一

登極後奏請

頒各直省及朝鮮國恭進

登極表式內閣并將

萬壽日期及三大節慶賀表式一同頒發如二十七

皇帝不陞殿受賀各直省表文送部後彙齊

奏請送交內閣嘉慶四年題准二十七月之內

三大節慶賀表

文毋庸奏進

皇帝登極之儀既諏吉先一日遣官各一員祇告

天

地

太廟

社稷。遣官并太常寺執事各官均朝服。是日早。步軍統領。勒所部屯

禁城諸門內閣會同禮部鴻臚寺官設

寶案於

太和殿

御座之南正中。設表案一於

殿內東楹之南。設

詔案一於東楹之北。又設筆硯案一於

殿內西楹。左右向。又設黃案一於丹陛上正中。鑾

儀衛率官校入豫備

鑾輿陳鹵簿儀仗於

太和殿前。陳步輦於

太和門外。陳大駕於

午門外。陳馴象於大駕之南。陳仗馬於丹墀中道

左右。陳黃蓋雲盤於丹墀內。樂部陳中和韶樂

於

太和殿東西檐下。陳丹陛大樂於

太和門內設而不作。又陳導迎樂及龍亭香亭於

午門外。儀制司官豫捧表入。設於

殿東楹南表案上。內閣學士一員捧

詔書入。設於東楹北

詔案上。內閣中書捧筆硯入。設於西案上。大學士率

內閣學士詣

乾清門請

皇帝之寶。學士恭捧。大學士從。由

乾清門至

太和殿內。恭設於

御座南正中案上。退。訖。注侍班執事各官班位。如三

大節儀王公文武百官朝服按翼咸集禮部堂

官奏請

皇帝服縞素。由東側殿門出入

中殿左門。於

几筵前祇告受

命。行三跪九拜禮。禮畢。

皇帝由東門出。進側殿禮部堂。官轉傳宮殿監督領

侍等。奏請

皇帝更禮服詣

皇太后宮行禮。

皇太后更吉服。陞座。

皇帝行三跪九拜禮畢。宮殿監督領侍等。豫將

乾清宮中門垂簾。內鑾儀衛豫設

皇帝所乘金輿於

乾清門正中。禮部堂官率欽天監候時官。詣

乾清門告時。

皇帝由

乾清門

陞輿

謹按雍正十三年九月。欽奉諭旨著安輿於左旁。

禮部堂官恭導。內

大臣十員前引。二員後扈。豹尾班執槍侍衛十

員。佩刀侍衛十員。翊衛隨行至

保和殿降輿。禮部堂官奏請

御中和殿陞座。鴻臚寺官引內大臣。侍衛內閣翰林

院。詹事府。禮部。都察院。侍班導從執事各官。按

班行三跪九叩禮不贊畢。侍班官先趨出。至外

朝就位。禮部堂官一員。進至檐下跪。奏請卽

皇帝位。

駕興。導引翊衛如初。

皇帝御太和殿陞寶座。南面卽

皇帝位

午門鳴鐘鼓。不作樂。鑾儀衛官贊鳴鞭。丹墀內三  
鳴鞭。鴻臚寺卿引王公於丹陛上。鳴贊引文武  
百官於丹墀內。就拜位。贊進皆進。贊跪。王以下  
各官俱跪。贊叩興。王以下各官。行三跪九叩禮。  
興。鴻臚寺官引退復原位立。大學士進  
殿左門就東案捧

詔陳於中案。稍退西面立。內閣學士進就中案北面  
用

寶訖。退禮部堂官進至檐下。大學士捧  
詔由闌東出

太和殿中門。授禮部堂官。禮部堂官跪受興。捧至  
丹陛正中黃案上。恭設。行一跪三叩禮。興復捧  
由中階下。至丹墀陳於雲盤內。儀制司官一員  
跪受興。由中道出至

天安門宣

詔詳願詔門。丹墀下鳴鞭。

皇帝起座至殿後階乘輿由後左門至

乾清門外降輿由左門入還東側殿易服還苦次

大學士率學士恭捧

皇帝之寶送至

乾清門交貯

大內

欽定禮部則例卷九

儀制清吏司

盛京朝賀

一恭遇

皇帝躬謁

祖陵

巡幸盛京禮部奏請

駕至之次日謹按乾隆四十八年九月十七日

殿受賀。嘉慶十年八月二十二日。盛京二十日。陸崇政  
盛京二十五日。陸崇政殿受賀。駕至

欽定禮部則例

卷九

儀制清吏司

一

詔。二十三年九月初三日 駕至  
盛京初五日 陞崇政殿受賀

陞崇政殿受賀。並先期會同樂部內務府將行禮筵

宴禮儀奏明 筵宴由得  
內務府

旨。知照各衙門欽遵辦理。與在京朝賀儀同。謹按嘉慶十年

皇上駕至 盛京是日王公大臣官員等  
皆穿蟒袍補褂。豫至 大清門外祇候 法

駕鹵簿全設。作馬上樂由尖盤起程至 大清  
門王以下皆跪候 皇上進宮稍憩 皇

上御龍袍衣服詣 太廟尊藏 冊  
寶前行禮王公大臣等咸蟒袍補褂隨行禮禮

成 皇上進 大清門 陞崇政殿寶座  
賜御前大臣侍衛等茶果 皇上還宮

一 豫行宗人府取隨

駕親王首列銜名開送內閣。由

行在內閣撰擬表文送

行在禮部轉送

盛京禮部。屆日。香亭表亭陳設於 大清門外東  
禮部官捧表由 大清門左旁門入恭

設於 崇  
政殿內

一 宣表官由

行在禮部移取

行在太常寺官銜名繕寫清單。恭請

欽派

一筵宴進爵大臣由

行在禮部移取隨

駕領侍衛內大臣銜名繕寫清單恭請

欽派

謹按嘉慶十年夾片具奏恭查乾隆八年自王以下入八分公以上隨

武大臣等均蒙

賜茶乾隆四十八年祇

賜御前大臣侍衛等茶此次應照何例

豫備之處恭候

欽定於閏六月初四日

召見尙書恭阿拉面奉

諭旨初至盛京

日照熱河之例賜御前大臣侍衛茶陞

殿頒詔時毋庸賜茶筵宴仍照例賜茶

一筵宴坐次由內務府繪圖進

呈。

一

陞殿應由欽天監選擇吉時派候時官豫備時辰香

並知照

行在禮部用夾片附入儀注具奏請

駕陞殿

謹按嘉慶十年請駕及前引大臣俱係行在禮部堂官執事二十三年同

一

盛京朝賀儀注先期豫備於

行在進

呈知會



盛京及

行在各衙門

一

詔書由

盛京禮部膽黃頒發東三省後隨報發回內閣轉

交禮部膽黃頒發在京八旗及各直省

一

盛京官員每歲恭遇

皇帝萬壽。

皇后千秋及元旦冬至行朝賀禮如

京師朝賀儀糾儀用

盛京禮部司官二員

恭遇  
壽

太上皇帝萬壽  
皇太后萬壽行朝

賀禮儀  
並同

一 每月朔及逢五日。

盛京文武官於

大政殿八旗朝堂前坐班如

京師坐班儀查班以禮部贊禮郎二員

一

盛京朝班鑲黃正白鑲白正藍四旗在東正黃正紅鑲紅鑲藍四旗在西奉天府堂屬官在鑲藍旗之南將軍一班副都統五部侍郎二班巡察御史奉天府尹府丞三班協領城守尉四班五部郎中佐領治中五部員外郎五品世職五班五部主事通判京縣知縣防禦六班七品筆帖式七品世職司庫經歷驍騎校七班八品筆帖式教授八班九品筆帖式司獄九班  
一朝期各衙門豫造清冊咨送

盛京禮部至期派員查收職名按冊查覈無故不到者該侍郎卽行指名叅奏倘有越次失儀者亦卽指名叅奏。

回鑾後

皇帝陞太和殿王公百官進表行慶賀禮禮成

皇帝還宮

皇后率

皇貴妃

貴妃

妃

嬪詣

皇帝前慶賀行禮與三大節儀同

儀注

是日隨

駕之

皇子王以下及

盛京文武大臣官員等穿蟒袍補服。禮部鴻臚寺

官豫設

詔案表案各一於

崇政殿內東旁。又設黃案一於丹墀正中。鑾儀衛

官陳

法駕函簿於

崇政殿前陳黃蓋雲盤於丹墀內

如不設黃蓋雲盤

及詔案

樂部陳中和韶樂於

殿檐下兩旁。陳丹陛大樂於

大清門。皆北向。內閣學士恭捧

詔文安設於

殿內東旁黃案上。龍亭香亭。豫設於禮部堂上。禮部堂官捧玉以下所進慶賀表文。置於亭內。校尉昇亭。作導引樂。至

大清門外東邊安設。禮部官捧表由

大清門左旁門入。安設於

殿內東旁黃案上。屆時鴻臚寺官引隨

駕之

皇子王公並蒙古王公在

殿外兩旁排立引隨

駕文武大臣官員等在丹墀東旁。各按品級排立。引盛京文武大臣官員及

陵寢官員等在丹墀西旁。各按品級排立。引朝鮮國陪

臣等在丹墀西旁百官之末排立。耆老領催等咸集於

大清門外。禮部堂官奏請

皇帝具禮服乘輿出宮。禮部堂官恭導

皇帝陞崇政殿。中和韶樂作。奏元平之章。

皇帝降座樂止。鑾儀衛官贊鳴鞭。丹墀內三鳴鞭。鳴贊官贊排班。

皇子王公並蒙古王公文武大臣官員暨朝鮮國陪臣等俱排班。戲竹合。丹陛大樂作。奏慶平之章。鳴贊官贊進贊跪。

皇子王公並蒙古王公文武大臣官員暨朝鮮國陪臣等俱進跪贊宣表。宣表官從黃案上捧表跪於

殿檐下正中。大學士二員左右跪展表。戲竹開樂。

止。宣表官宣表宣畢。捧表起立。丹陛大樂作。奏慶平之章。宣表官仍捧表置於黃案上。退。鳴贊官贊叩。興。

皇子王公並蒙古王公文武大臣官員暨朝鮮國陪臣等俱行三跪九叩頭禮。興。鳴贊官贊退。衆皆復原位立。樂止。大學士捧

詔至

殿檐下授禮部堂官禮部堂官跪受。由中階左旁下。至丹墀正中。陳於黃案上。行一跪三叩頭禮。

與禮部官跪捧雲盤禮部堂官捧

詔置於盤內禮部官起立鑾儀衛官執黃蓋導引俱由中道出

大清門鑾儀衛官贊鳴鞭如前禮部堂官奏禮成中和韶樂作奏和平之章

皇帝起座還宮樂止

皇子王公並蒙古王公文武人臣官員等皆退禮部官捧

詔至

大清門外置於龍亭行一跪三叩頭禮興校尉昇亭亭前作導引樂批頭

御仗前導禮部堂司官隨至

大政殿外亭止禮部官行一跪三叩頭禮捧

詔置於高臺黃案王以下文武各官皆於

大政殿外排立鴻臚寺官贊排班進衆排班皆進耆老領催等另一班排立宣詔官登臺西向立鳴贊官贊有

諭旨衆皆北面跪宣詔官宣清漢

詔書畢禮部官恭捧設於龍亭。鳴贊官贊三跪九叩頭。禮禮畢校尉昇亭作導引樂批頭。

御仗前導至禮部月臺上。亭止禮部官豫設香案恭捧。

詔書設於案上禮部堂官行三跪九叩頭禮。膳黃刊刻頒行天下。

是日巳時

皇帝御大政殿筵宴。謹按嘉慶十年奉旨改於次日筵宴隨

駕王以下及蒙古王公

盛京文武大臣官員皆穿蟒袍補褂暨朝鮮國陪臣先集。豫設中和韶樂於

大政殿檐下。設清樂於東旁。設丹陛樂於大政殿前北向。豫設

御宴桌於

寶座前正中稍遠。張黃幕於丹墀正中。陳金器於反坫桌上。

殿外兩旁。張黃幕陳列賞項。

殿內兩旁。設入班王公大臣並蒙古王公等桌。張

謹按嘉慶二十三年奉 旨盛京大政殿筵

宴皇子與王公等一體入宴。又總管內務府

大臣傳 旨不 丹墀左右設羣臣宗室等桌

必豫備皇子宴桌

張朝鮮國陪臣等桌張設於左旁之末。謹按嘉慶十年

奉 旨朝鮮 鴻臚寺理藩院官引班入各就

使臣免其人宴

本位立至時內務府大臣奏請

皇帝具龍袍裘服

陞大政殿中和韶樂作奏元平之章

皇帝陞座樂止隨

駕之王以下及蒙古王公

盛京文武大臣官員暨朝鮮國陪臣等各就位次

行一叩頭禮坐侍衛等進餽餽桌張 向例內管領護軍參

領等進餽餽桌張 丹陛清樂作奏海宇昇平日之章尚

茶正進茶

皇帝用茶時眾俱於坐次行一叩頭禮侍衛分

賜眾茶各於坐次行一叩頭禮飲畢復行一叩頭禮

坐樂止展席幕掌儀司官由反坫桌上捧壺爵

金卮從中路進丹陛清樂作奏玉殿雲開之章

眾先起立掌儀司官上



殿階西向立酌酒進爵大臣出

殿釋補褂入

殿內跪衆俱於坐次跪掌儀司官捧爵入跪授進

爵大臣起退進爵大臣接爵起進

御座側跪進爵復至原跪處跪

皇帝用酒時進爵大臣行一叩頭禮衆皆行一叩頭

禮進爵大臣起進

御座側跪接爵退仍至原跪處跪掌儀司官跪接爵

退衆皆起立掌儀司官以金卮酌酒立

賜進爵大臣進爵大臣跪受行一叩頭禮飲畢掌儀

司官立接卮退進爵大臣復行一叩頭禮與出

殿穿補褂入就原坐衆皆就坐樂止尙膳正進饌

中和清樂作奏萬象清寧之章

皇帝用饌尙膳正分給各筵

恩賜食品領侍衛內大臣起監視侍衛等分

賜酒衆行一叩頭禮飲畢復行一叩頭禮樂止隨進

世德舞樂曲次喜起舞大臣分對於

殿廊下依次進舞畢次進善撲人十對畢

皇帝前

御宴桌徹至地平時眾皆於坐處行三叩頭禮與內務府大臣奏筵宴禮成中和韶樂作奏和平之章。

皇帝還宮樂止各退。

盛京三大節朝賀是日早內務府官詣

崇政殿啟扉拂拭

御座禮部官恭設香案於

殿外正中南向辨百官位於丹墀內按旗分左右

翼東班西上西班東上均北面鳴贊二員分立

班行之北引班二員分立班行左右

贊禮郎充均東

西向文武各官咸朝服於

大清門外祇俟屆時引班分引至

崇政殿丹墀內鳴贊贊齊班引班引各官就拜位

立贊進贊跪叩與百官行三跪九叩禮與贊退

引班引各官退。

謹載乾隆年間例案並儀注

是日。

駕至

盛京扈從之王公各官咸朝服。謹按乾隆四十八年八月奉

旨此次前往盛京過陞殿慶賀行禮所有隨從王公大臣俱著穿蟒袍補褂毋庸攜帶朝服其盛京官員亦著一體穿蟒袍補褂行禮至尊豫藏冊寶行禮時亦並著穿蟒袍補褂

大清門候

駕入

陞崇政殿

賜茶畢

向宗純皇帝入宮各退次日早陳

法駕鹵簿於

崇政殿前陳中和韶樂於

殿檐下二層階臺下之兩旁陳丹陛大樂於兩旁

樂亭。謹按乾隆八年奏請建設盛京樂懸以中和韶樂一分丹陛大樂一分留盛京

禮部衙門朝賀時樂設部會同禮部陳設

詔案表案各一於

崇政殿東之南又設黃案一於丹墀正中設黃蓋

雲盤於丹墀內。如不蓋雲盤及頒詔不設黃禮部堂

次三豐印川列  
卷九 儀制清吏司  
旨

官捧王以下文武各官所進慶賀表恭設於殿內東旁案上。內閣學士恭捧

詔書安設於

殿內東邊黃案上。鴻臚寺官引

皇子等及王以下各官俱蟒袍補服。和碩親王以下入八分公以上於

皇太后行宮外按翼排立。文武各官及朝鮮使臣於

大清門外按翼排立。執事官豫設

高宗純皇帝拜褥於

皇太后行宮門外正中。禮部堂官奏請

高宗純皇帝具禮服出宮。於東旁門內乘輿。禮部堂官

前引至

皇太后行宮門外降輿。東旁立。禮部堂官轉傳內監奏

請

皇太后陞座。禮部堂官恭引

高宗純皇帝至拜褥上立。王以下文武各官俱向上立

鳴贊官奏跪拜興

高宗純皇帝率

皇子等及王公行三跪九叩禮與文武各官及朝鮮國使臣於

大清門外隨行禮禮成禮部堂官恭引

高宗純皇帝仍至原位立轉傳內監奏請

皇太后還宮禮部堂官奏禮成恭引

高宗純皇帝還宮皆退

謹按此係乾隆十九年儀注

鴻臚寺官引

皇子等及王公並外藩王公等在

殿外兩旁侍立引隨

駕之文武大臣官員在丹墀東旁各按品級侍立引

盛京文武大臣官員並

陵寢官員在丹墀西旁各按品級侍立引朝鮮國使臣

於丹墀西旁百官之末侍立者老領催等咸集於

大清門外屆時禮部堂官奏請

高宗純皇帝具龍袍衮服乘輿出宮禮部堂官恭導

高宗純皇帝陞崇政殿寶座中和韶樂作奏元平之章

高宗純皇帝陞座樂止鑾儀衛官贊鳴鞭丹墀內三鳴

鞭鳴贊官贊排班鴻臚寺官引

皇子等及王以下各官並朝鮮國使臣排班。

例

朝鮮使臣另班行禮。謹按乾隆四十八年具奏

謁陵禮成慶賀事宜夾片聲明。令朝鮮使臣附於西班之末行禮。

丹陛樂作。鳴贊官贊進贊跪贊宣表。宣表官至黃案前捧表跪於

殿檐下。正中。大學士二人跪於左右。展表樂止。宣

表官宣畢。捧表起立。丹陛樂作。奏慶平之章。捧

表官捧表置於黃案上。退。鳴贊官贊叩興行三

跪九叩禮。興。鳴贊官贊退。皆退復原位立。樂止。

大學士捧

詔書至

崇政殿檐下授禮部堂官禮部堂官跪受。由中階

左旁至丹陛正中。安設於黃案上。行一跪三叩

禮。跪捧

詔書起。禮部堂官跪捧雲盤受。

詔書安置雲盤內。興。黃蓋前導。由中道出。

大清門。文武各官隨出。

大清門左右門。

高宗純皇帝賜王公大臣坐。

賜茶畢。鑾儀衛官鳴鞭。王以下皆起立。中和韶樂作。奏  
和平之章。

高宗純皇帝還宮。禮部官捧

詔書至

大清門外安設龍亭。與

京師

頒詔儀同

內殿慶賀行禮。並與

京師儀同。

欽定禮部則例卷十

儀制清吏司

恭進

實錄

聖訓

一凡纂修

實錄

聖訓諸書。

旨下。由內閣具奏。移咨到部。行欽天監擇開館吉期。



告成日由監修總裁等具奏移會到部行欽天監擇恭進吉日時奏請

欽定

一書成恭進。

皇帝御保和殿受書

御太和殿王公百官行慶賀禮另繕

御覽本由本館於次日恭進另繕本恭藏於

皇史宬及

盛京各一分藏副本於內閣其監修總裁等官所

進表文諸王百官慶賀致辭

皇帝制旨均由內閣擬擬由宗人府奏

派貝子公以下宗室官員分司齎捧書案

派親王郡王貝勒等左右護視

派南書房翰林會同總管內務府大臣照料交內務

府遴派內監捧書歸架均前期一併具題

旨下行

實錄館并通行各衙門欽遵辦理。

一恭進日宣表官一員奏慶賀致辭官一員宣



制官一員。移取太常寺鴻臚寺官職名。奏請  
欽派。

一會同樂部恭進儀注。

旨下。抄錄通行。並知照各衙門屆日咸集。

一行工部備黃蓋一。龍旗二。

御仗二。香亭。龍亭。表亭各一。黃案大小各一。至紅

檀夾版。鎮紙。油單。綵紬。角鐙等項。

數目俱臨時酌定。由

館咨部轉行工部豫備。每亭圍繞用綵紬二疋。束袂夾版包。每包用綵

紬二疋。御覽。均於前一日送館。又備單黃。本用綵紬二疋。

帷黃案一。前一日送至

保和殿。行鴻臚寺派員陳設。

一行鑿儀衛派校尉昇亭。并令派員約束。行樂

部派署史二十名。備導迎樂。均前一日赴館住

宿。

一行內務府及護軍統領。至日開所經過

大清門以內

宮殿各中門護軍統領。派叅領護軍警蹕。步軍統

領飭屬清道行。欽天監派官備時辰香候時

皇帝恭受

實錄

聖訓禮畢。

御太和殿受賀。應辦事宜與常朝同。

一行

實錄館查總裁纂修職銜及吏役姓名到部。付主客司

議題

頒賞。詳載主客司

一恭進

實錄

聖訓禮畢。另繕

皇史宬及

盛京藏本。內閣副本。告竣。知會到部。行欽天監擇

恭藏吉日。奏請

欽定

一尊藏

皇史宬行工部備黃蓋一。龍旗二。

御仗二。香亭一。龍亭一。行鑾儀衛派昇亭校尉。行樂部備導迎樂。行領侍衛內大臣。派侍衛散秩大臣前引後護。行護軍統領。屆日開所經過各中門。並通行各衙門王公以下文武各官於

實錄館前咸集跪送。

一尊藏

盛京既擇吉奏

開開列禮部堂官銜名奏請

欽派一員恭送。并知會宗人府奏

派王公一人。工部奏

派堂官一員。領侍衛內大臣奏

派前引侍衛十四員。

派乾清門侍衛四員

每日令二員。在行駕綵亭前敬謹照料。二員先赴前站綵棚內

豫備安設。次日換班行走。

實錄館派提調官一員。纂修官二員。禮部工部各派司

官一員。筆帖式一員。欽天監派擇吉官一員。恭

同送往。

派出官員。知照該旗。并將隨從吏役。知照兵部。轉行山海關。謹按嘉慶十二年

五月。奉

旨。本年九月。恭奉

聖訓。並續修

牒。送往盛京尊藏。禮部所奏事宜摺內。請派前引侍衛十員。尚不敷用。着添派大門侍衛四員。以備更替。再派乾清門侍衛四員。每日令二員。在行駕綵亭前敬謹照料。其二員先赴前站。綵棚內豫備安設。次日換班行走。

一

實錄

聖訓

玉牒恭送

盛京尊藏

謹按嘉慶十一年。欽奉人府將明年應修

諭旨。著宗

竣於嘉慶十二年十月內。同應用行箱行駕綵

亭自館啟行。每行箱一座。用綵亭一座。昇送至

朝陽門外。每行箱二座。用行駕綵亭一座。恭載

進發。均先期交工部製造堅固。以備應用。行駕綵亭

長闊如二馬車式。每乘計容二箱。用騾二頭。駕行。外備騾一頭。以便更換。

一

實錄啟行。豫行工部及直隸總督。順天府。

盛京將軍。五部等處。凡經過道路橋梁。修理平坦。

每站歇宿之處。令各該州縣搭蓋綵棚。安奉。周

圍設貯水木桶。派撥員弁。周視巡防。又行

盛京將軍會同工部將尊藏

寶錄格子敬謹增修

如時值秋前請暫奉於

盛京尊藏一分奏實錄館俟冬初

道路乾燥另擇啟行日屆時遵照辦理

一行戶部備行箱內需用黃綿榜紙及棉花行

工部備行駕綵亭並派員帶領匠役赴館酌量

尺寸函數製造行箱等項仍令派役於啟行前

一日赴館伺候包裹

每行箱一座用紡絲油單一布油單一布包袱一俱

照行箱造辦各箱應用線繩鎖匙並包裹白瓊紫縛麻繩箱內穩書綵袖箱外綵袖數目均隨時由館酌定咨明禮部轉行戶工二部豫備其盛貯之包袱等項仍由工部用箱裝載備長車

運往

一會同工部具奏行箱行駕綵亭等項請交

盛京工部收貯得

旨知會工部及

盛京工部

其作何變價報銷豫咨工部查明備夾片聲明具奏

一行工部備龍亭行鑾儀衛備黃蓋一

御仗二龍旗二並派昇亭校尉行樂部備導迎樂

行領侍衛內大臣派侍衛散秩大臣前引後護

送至朝陽門行兵部及步軍統領飭屬埽除經

過街道行欽天監派候時官二員赴

實錄館候啟行吉時並通行各衙門王公以下文武各

官均朝服在朝陽門外咸集分左右兩翼跪送

禮部派員查收職名

一行工部別備黃蓋一龍旗二

御仗二俟

實錄啟行出城更換行駕綵亭時在前導引行兵部派

撥綠營官兵沿途護送每亭一座兵丁二名出  
每兵十名員弁二人

關後由

盛京將軍派滿洲官兵護送

受書儀注

前期一日早間鑾儀衛陳

法駕鹵簿樂部陳樂懸於

太和殿外如常儀禮部鴻臚寺官設

實錄案

謹按嘉慶十一年恭纂  
高宗純皇帝實錄清字漢字蒙古字三體共書七百三十二函  
每案長六尺寬二尺計陳書  
二十四函需用案三十張

聖訓案

謹按嘉慶十一年恭輯  
高宗純皇帝聖訓清漢字二體共一百函每案陳二十函計用  
案五張於

儀制清吏司

保和殿正中。均用黃緞案罩。鋪紅氈。南向。另設表案於

保和殿門外稍東。皆南向。工部官豫設香亭一於

實錄館內。設龍亭

亭座臨時酌定。謹按嘉慶十一年設龍亭六十座。計每座安設書八函。其

安設四百八十八函。每座上用穩書綵緞二疋。豫備紡絲油單二塊。於館外北首

大院排列。工部多派官員照料。鑾儀衛按數派出校尉。並多派員照料。彈壓。監

修總裁率提調纂修校對收掌各官。咸朝服祇

候館內。王貝勒等及宗人府派出捧書之貝子

公以下各官員。朝服咸集

太和門外金水橋北。文武百官朝服咸集。金水橋

南。分翼排立。祇候屆時纂修官恭請

實錄全分陳設於館堂中。

每書二函。用穩書黃緞一塊。豫備油單一塊。總裁

以下各官行三跪九叩禮。傳知工部官將第一

座龍亭用校尉四人舁至館前。纂修官恭捧第

一分書陳設亭中。收掌等官幫同安奉。舁至前

院祇候。自後龍亭以次安奉。清字漢字二分完

竣。均排列於

武英殿門外前院南向。纂修各官向亭前行一跪

三叩禮。興。然後鴻臚寺官二人引香亭由館昇出前行。龍亭以次序行。總裁提調纂修收掌等官各於亭傍隨護行走。前張黃蓋列。

御仗二。龍旗二。鴻臚寺卿前引。和聲署作樂導迎由。

熙和中門。至金水橋道中行入。

太和中門。王貝勒貝子。公宗室官員分翼。文武官員西向均跪迎候過。興。至。

太和殿丹墀內分翼排立。香亭。

實錄亭排陳於

太和殿階下北向纂修官各詣亭前行三叩禮。興。纂修等官按次恭捧書函。分翼行走。總裁官前引。每奉書五排。本館官二員排立照看。進太和殿中門。循中道至。

實錄亭並黃蓋

御仗龍旗工部鑾儀衛官帶同徹至。實錄館後院仍前祇候纂修等官恭請。



實錄蒙古本並清字漢字

聖訓。以次設於龍亭。各官行一跪三叩禮。昇至

太和殿階前。纂修官以次捧書至。

保和殿內陳設。均如前儀。陳設畢。總裁以下各官

行三跪九叩禮。退。王公以下各官皆散。值日護

軍統領會同總管內務府大臣。謹闔

殿門。多派官員於

殿外周歷照看。並於

御前侍衛。

乾清門侍衛大門侍衛。不值班各員內。派出二十

員。在

殿外前後輪流坐更。小心看守。以專責成。次日黎

明。總管內務府大臣

南書房翰林。朝服咸集。

乾清門內。派出照料歸架之宮殿太監。蟒袍補服。

咸集。總管內務府大臣。豫飭所司設書案。

乾清宮中。前設香案一張。均南向。設表案一於稍

東。均施黃緞案罩。鋪紅氈。工部官設表亭於

實錄館內。王公以下及文武百官咸朝服分翼集金水

橋南北如前儀惟

派出捧書之貝子以下各宗室官員均蟒袍補服於  
王貝勒後另班咸集總裁以下各官咸朝服集  
館內屆時監修官捧表設於亭中率同各官行  
三跪九叩禮興鴻臚寺官前引總裁以下各官  
皆隨行進

熙和門由道左進

太和左門至

太和殿階下總裁以下各官於表亭前行一跪三

叩禮監修官捧表文

亭隨

鴻臚寺卿二人前引

總裁等官隨入由

太和殿左門入循中道左行至

保和殿外表案敬設監修官總裁等官行三跪九

叩禮維時鴻臚寺官引王貝勒及捧書之貝子

公以下各官入

太和左右門各按常朝班次序立引文武百官入

昭德門

貞度門於丹墀內按翼序立禮部堂官奏請  
皇帝恭受

實錄

聖訓

皇帝具禮服出宮至

保和殿後降輿進

保和殿執事官豫設拜褥於

實錄

聖訓案前禮部堂官恭導

皇帝就拜位北向行三跪九拜禮興於案東少立總

管內務府大臣一員豫在

保和殿後陸祇候接表屆時監修官恭捧表文送

進

保和殿後左門交與總管內務府大臣內務府大

臣恭捧表文至

乾清宮於表案上敬設監修官復原班序立禮部

堂官奏禮成恭導

皇帝御中和殿執事各官行禮畢

皇帝御太和殿。

午門鳴鐘鼓。鳴鞭作樂。均如常朝儀。鳴贊贊齊班。

贊進。贊跪。王公以下各官皆跪。鴻臚寺官一員。

進至

殿中楹外北面跪。代奏臣工慶賀致辭畢。興。又一

員出自丹陛前西面立。宣

制答致辭畢。皆退。復位贊叩興。王公以下各官行三

跪九叩禮畢。鳴鞭。

皇帝乘輿由

中和殿東陞進

後左門還宮。百官皆退。宗人府堂官引捧書之員

子公以下各官員。齊隨至

保和殿丹墀下排立候

聖駕還宮。宗人府堂官率領捧書官進

殿就案舉書。

案仍設

殿內。謹按嘉慶十一年。恭

實錄 十四函。每案十二員。以五案為一

起。其六十員。計分六起。未起六案。 各官分起以

次捧書按班序立。親王郡王貝勒每班二人前

保和殿後中門入。循中階行。每書五排後。用照料

宗室官二員。分翼序行至。

乾清門。總管內務府大臣二員。引至

乾清宮書案前。按次敬設

謹按嘉慶十一年。每案陳書十二函。畢前

引王等捧書官皆退出。內務府大臣

南書房翰林。率同宮殿太監。以次歸架。將畢。第二

起書前。引王等率領捧書官於

保和殿豫備。內務府大臣一員。於

乾清門。傳知恭進。第二起。然後王等前引捧書官

行走至

乾清宮。安設如初。自後各起。均如前儀。俟歸架完

竣。總管內務府大臣。

南書房翰林。具奏歸架畢。

皇帝詣

香案前。行禮。閱視尊藏。

謹按嘉慶十一年十二月。上諭雍正乾隆年

間。恭進

實錄儀注進呈。內奉案舉案均

係侍衛承值。尚未允協。現在恭纂

高宗

純皇帝實錄卷帙浩繁。典禮至重。未便僅令侍

衛將事。自應奏派貝子公以下宗室官員屆期

分司齋奉。並派親王郡王貝勒等左右護視。方

足以昭虔恪。又奉

旨。皇次子及儀親王

等。會奏明年三月間。皇考高宗純皇帝  
 實錄聖訓告成。恭擬受書儀注進呈。朕詳加披  
 閱。前期一日。總裁等官恭奉全書送至保和殿。  
 陳設後。值日護軍統領會同總管內務府大臣。  
 謹闔殿門。多派官員於殿門外周歷照看。尚不  
 足以昭慎重。是日著御前侍衛乾清門侍衛。大  
 門侍衛。不值班各員內。派出二十員。於殿外前  
 後輪流坐更。小心照看。不准在彼點燈吃煙。以  
 專責成。次日受書行禮後。即著禮部堂官恭奏  
 禮成。以便御殿受賀。其表文著於送書進乾清  
 宮時。監修官一併送進。所有照看歸架事宜。南  
 書房翰林著派戴衢亨。趙秉冲。黃鉞。總管內務  
 府大臣著派  
 蘇楞額。英和。

擇吉尊藏

皇史宬並恭送內閣儀注

屆期工部豫設香亭龍亭於

實錄館門外。

實錄館設書案於館堂中。監修總裁提調纂修等官均

朝服提調纂修等官恭捧

實錄

聖訓陳於案。監修總裁以下各官。行三跪九叩禮畢。提

調纂修等官恭捧

實錄

聖訓按次敬設龍亭。各向亭前行一跪三叩禮。與校尉

昇行監修總裁以下各官隨行王公文武大臣  
官員咸朝服集館跪送前張黃蓋一列

御仗二龍旗二作樂導迎散秩大臣侍衛咸蟒袍  
補服前引後護由

熙和中門。

協和中門出

東華門中門至

皇史宬亭止提調纂修等官各於亭前行一跪三  
叩禮恭捧

實錄

聖訓敬謹藏於金匱監修總裁以下各官行三跪九叩  
禮禮畢各退是日纂修官以副本恭送內閣敬  
謹收貯。

謹載嘉慶十二年恭送

盛京尊藏儀注

啟程前期工部搭蓋安奉

實錄

聖訓

玉牒亭綵棚於

東華門外又搭綵棚於朝陽門外

實錄館

玉牒館恭設書案於館堂中監修總裁提調纂修等官

咸蟒袍補服提調纂修等官各捧

實錄

聖訓

玉牒陳於案監修總裁以下各官行三跪九叩禮畢提

調纂修等官率在館執事人等各依次敬謹裝

設行箱安奉於館堂正中在館執事人等坐更

守護工部派員於前一日按數分設綵亭於

實錄館

玉牒館門外啟程日豫設行駕綵亭及黃蓋

御仗龍旗二分於朝陽門外欽天監候時官報屆

吉時在館執事人等以次安設行箱於綵亭均

用綵紬穩箱提調纂修等官於亭前行一跪三

叩禮畢校尉昇亭監修總裁以下各官隨行鑾

儀衛於亭前備列黃蓋一



御仗二。龍旗二。樂部作樂導迎。散秩大臣侍衛咸  
蟒袍補服前引後護至

東華門外。

實錄館

玉牒館提調纂修等官。按次排設

實錄

聖訓

玉牒亭於綵棚內。鑾儀衛豫設儀仗於

東華門外。鴻臚寺官設香案於綵亭前。太常寺官

設香鑪香盒於案上。設

皇帝拜褥於香案前。親王以下。侍郎副都統以上。咸

蟒袍補服集綵棚外。祇候屆時禮部堂官赴

乾清門奏請

皇帝詣

實錄

聖訓

玉牒前行禮

皇帝具龍袍龍褂乘輿出宮

謹按嘉慶十二年六月  
禮部奏恭送盛京尊

藏儀注內。是日。皇上御禮服。抑御龍袍龍褂。伏候訓示等因。奉旨。是日朕御龍

袍龍褂於東華門外恭送。其在館執事及恭送之王大臣及官員等。俱穿蟒袍補褂。出郭後。所有送往之王大臣官員等。再更換行禮部堂官衣。俟至盛京之日。仍穿蟒袍補褂。禮部堂官

前引至

東華門降輿。禮部堂官恭導

皇帝詣綵棚前。太常寺堂官敬謹捧香。

皇帝拈香就拜位。行三跪九拜禮。親王以下侍郎副

都統以上於綵棚外恭隨行禮畢。禮部堂官奏

禮成。

皇帝陞輿還宮。其送往之王大臣咸蟒袍補服於綵

亭前行一跪三叩禮。畢校尉昇亭啟行。亭前張

黃蓋列

御仗龍旗作樂導迎。散秩大臣侍衛前引後護至

朝陽門外綵棚內安奉。樂止。黃蓋旗仗隨徹

派送。出城之前引後護各官俱退。在京王公文武大

臣官員咸蟒袍補服。分左右兩翼排立。屆時更

換行駕綵亭。隨同送往之王大臣暨護軍統領

侍衛官員等先詣綵亭前行一跪三叩禮。裝設

後更換行衣復於行駕綵亭前行一跪三叩禮  
畢。

實錄

聖訓亭在前。

玉牒亭在後。以次啟行。王公大臣官員於道旁跪送。工

部各備黃蓋一。

御仗二。龍旗二。前導。

派侍衛十四員。輪流前引。

派乾清門侍衛四員。分二員。在亭旁敬謹照料。二員

先赴前站。綵棚豫備安設。次日換班行走。在途  
每站安奉。

實錄

聖訓

玉牒亭於綵棚時隨同送往之王大臣官員等。均於亭  
前行一跪三叩禮。次日啟行。復行一跪三叩禮。  
所過各處文武地方官咸朝服出郭跪道左迎。  
送撥派綠營官兵沿途護送巡防。護軍統領叅  
領護軍校率護軍二十名恭送至山海關跪送。

行駕綵亭出關後撤回。

盛京副都統奉天府尹率領該處滿洲官兵及地方官先期至山海關外祇候。俟行駕綵亭到時副都統府尹跪接。一路隨行。敬謹防護。至奉天城外奉天府先期搭蓋綵棚。

盛京將軍先期豫備黃案於

崇政殿。又備綵亭鼓樂派官前引。屆時將軍五部侍郎等率領官員朝服出郭跪迎。

實錄

三訓

玉牒行駕綵亭安奉綵棚內。隨同送往之王大臣官員先詣行駕綵亭前行一跪三叩禮。恭請行箱安設綵亭畢。復行一跪三叩禮。前引官導引入城。至

崇政殿前亭止。送往之各提調纂修官協同盛京五部司官於綵亭前行一跪三叩禮。就行箱內恭捧

實錄

聖訓

玉牒依次安設

殿內黃案。送往之王大臣官員。及該將軍以下各官。均行三跪九叩禮。各提調纂修官。復同盛京五部司官於

實錄

聖訓

玉牒前行一跪三叩禮。仍各按次序用龍袱包畢。再行一跪三叩禮退。

盛京將軍會同五部侍郎府尹等派官於

殿外晝夜守護擇吉期仍設綵亭於

崇政殿前。送往之王大臣官員咸蟒袍補服。該將

軍以下各官咸朝服詣黃案前行一跪三叩禮

畢。各提調纂修等官協同

盛京五部司官恭捧

實錄

聖訓

玉牒分設於綵亭。各行一跪三叩禮畢。先昇請

實錄

聖訓綵亭至

迪光殿琉璃門外亭止。

盛京將軍以下等官恭送之王大臣官員俱向綵

亭行一跪三叩禮提調纂修等官協同

盛京五部司官恭捧

實錄

聖訓於

崇謨閣金匱內敬謹尊藏畢該將軍以下等官恭

送之王大臣官員在

閣前階下兩旁行三跪九叩禮畢退至

崇政殿前復昇請

玉牒綵亭至

頤和殿琉璃門外亭止

盛京將軍以下等官恭送之王大臣官員仍向綵

亭前行一跪三叩禮提調纂修等官協同

盛京五部司官恭捧

玉牒於

敬典閣金匱內敬謹尊藏畢。該將軍以下等官。恭送之王大臣官員仍在

閣前階下兩旁行三跪九叩禮。禮畢各退。謹按乾隆十五年

年恭送

列祖聖容並

實錄尊藏

盛京啟行日

高宗純皇帝親詣拈香

於東華門外綵棚

前行三跪九拜禮

恭進

盛京尊藏並

皇史宬及內閣尊藏之

實錄

聖訓首函各一分儀注

是日總管內務府大臣先於

乾清宮東暖閣恭設書案三張均用黃緞罩鋪紅

氈前設香案一張工部設書案三張於

保和殿內正中均用黃緞罩設綵亭三座於

實錄館門外每亭用校尉四人監修總裁等率同館上

官員均服補服在館祇候纂修官恭請

盛京尊藏之清字漢字

實錄首函各一函清字漢字

聖訓首函各一函並

皇史宬及內閣尊藏之清字漢字蒙古字

實錄首函各一函清字漢字

聖訓首函各一函每清字漢字各一函用穩書紬一方

其蒙古字書一函另用穩書紬一方陳設於館

堂中監修總裁以下各官行三跪九叩禮興纂

修官恭捧

盛京尊藏之

實錄

聖訓首函一分安設綵亭一座次恭捧

皇史宬尊藏本一分安設一座次恭捧內閣尊藏

本一分安設一座每亭用穩書紬二疋以次陳

設畢纂修官各向亭前行一跪三叩禮興工部

官飭知校尉等恭昇綵亭亭前用提爐一對焚

香導引總裁官二人前引中道行走由

熙和門金水橋

太和門

太和殿階下亭止北向纂修官各向亭前行一跪



三叩禮。興。每人捧清字漢字二函。另一人捧蒙古字書一函。依次恭捧至。

保和殿內書案前。每案陳設一分。先

盛京尊藏本。次

皇史宬尊藏本。次內閣尊藏本。陳設畢。總裁以下各官。行三跪九叩禮。興。纂修等官仍在。

保和殿祇候。

欽派前引親王二員。前

派出之捧書宗室侍衛等官。先服補服在

保和殿祇候。俟陳書畢。王等率領宗室侍衛等。按次捧書。親王前引照料。總裁等官隨行照料。出保和殿後。扇。由中路行走。開

乾清門中門至

乾清宮東暖閣書案前。依次分函排列陳設畢。退。

皇帝具龍褂出

齋宮至

乾清宮東暖閣。詣香案前拈香。行三跪九拜禮。以次恭閱。

實錄

聖訓畢出

乾清宮陞輿還

齋宮王等率領宗室侍衛等並總裁官等至東暖

閣按次將書穩好捧書出仍至

保和殿案前陳設纂修官等接捧由中路至

太和殿階下各就綵亭安奉畢仍昇至

實錄館安設執事官皆退

謹按嘉慶十二年四月慶桂等奏恭進盛京尊藏皇

史成尊藏之一分謹遵

旨擬擬儀注恭呈

聖訓首函各御覽其

奉書之宗室侍衛按每人奉清字漢字書二函

蒙古字書每人捧一函

計共十四函需用八

員應請 勅令 御前大臣於

御前

宗室侍衛

乾清門宗室侍衛內照數奏派至

前引照料之親王應遵

旨派儀親王永璇

成親王永理敬謹將事其應用案張綵亭等項

仍由該館咨取備用奉 旨依議

一

皇史宬殿內安奉

實錄

聖訓如有應修殿宇石臺工程奏明暫行恭移於兩配

廡內供奉仍交欽天監選擇吉日由內閣奏請

欽派大學士一員會同承修之大臣咸朝服恭詣

皇史宬殿前行三跪九叩禮執事官員等咸蟒袍

補服敬謹恭移於兩配廡供案畢大學士等復

行三跪九叩禮禮畢各退至正殿修理完竣由

配廡恭移於正殿內尊藏仍擇吉行禮如初謹按

嘉慶十一年禮部奏請遵旨應修 皇史

宬殿宇石臺工程所有實錄 聖

訓移於兩配廡暫行供奉及將來移於正殿尊

藏之處由禮部恭查典禮奏明辦理移會內閣

遵奉施行○十二年奉上諭本年重修

皇史宬恭奉皇考高宗純皇帝實錄

聖訓敬謹尊藏朕親詣瞻禮因思石臺金

匱規制深嚴應專為尊藏列聖實錄

聖訓之地以昭萬年法守○是年十月軍

機大臣面奉諭旨十一月初四日朕親詣

皇史宬行禮無庸奏擬儀注著先於皇史宬殿

門內設香案一香爐一香盒一拜墊一朕親自

拈香無庸派人遞香御前大臣御前侍衛隨入

殿門內乾清門侍衛俱在殿門外至實

錄館總裁及禮部各員均無庸隨往所有是日

隨往及內閣站班執事各員應穿貂褂者穿貂

褂餘俱穿補褂

夫病之起也，有因於外者，有因於內者。其起於外者，先見於皮毛，然後入於筋骨。其起於內者，先見於臟腑，然後及於皮毛。此其大要也。

夫病之起也，有五。有因於風者，有因於寒者，有因於濕者，有因於燥者，有因於火者。此其大要也。

夫病之起也，有因於時者，有因於地者，有因於人者。此其大要也。

夫病之起也，有因於情者，有因於欲者，有因於勞者，有因於思者，有因於憂者，有因於怒者。此其大要也。

夫病之起也，有因於飲食者，有因於起居者，有因於勞傷者。此其大要也。

夫病之起也，有因於誤藥者，有因於誤針者，有因於誤灸者。此其大要也。

